



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



600015408M

495. C. 6.



E. BIBL. RADCL.

18989 d 26

UIBUS DAM
INSTINCTIS

ENERANDO

LUMENBACHIO

REGI BRITANNORUM A CONSILIO
ORDINIS GUELPHOR. EQUITI,
M LITER. SODALI ETC. ETC.

DOCTORALES

AGINTA ANNOS ACCEPTOS

D. XVI. SEPT.

ATULANTES SCRIPSERUNT

THAL, D. F. HORNSCHUCH

IN UNIVERSITATE GRYPISVALDENSI

GRYPHIAE

FRID. GUIL. KUNIKE, REG. ACAD. TYPOG.

MDCCCXXV.

EPISTOLA
DE
BALAELOPTERIS QUIBUSDAM
VENTRE SULCATO DISTINCTIS

QUAM
VIRO SUMME VENERANDO
JOH. FRID. BLUMENBACHIO

MED. DOCT. ET PROFESSORI P. O., REGI BRITANNORUM A CONSILIO
AUL. ET MED. INTIMIS, ORDINIS GUELPHOR. EQUI, PLURIMUMQUE SOCIETATUM LITER. SODALI ETC. ETC.

HONORES DOCTORALES
ANTE QUINQUAGINTA ANNOS ACCEPTOS
D. XVI. SEPT.

GRATULANTES SCRIPSERUNT
D. F. ROSENTHAL, D. F. HORNSCHUCH
PROFESSORES IN UNIVERSITATE GRYPISVALDENSI.

GRYPHIAE
TYPI FRID. GUIL. KUNIKE, REG. ACAD. TYPOGR.
MDCCCXV.

1891

THE
OFFICE OF THE
SECRETARY OF THE
NAVY

OF THE
NAVY

THE
OFFICE OF THE
SECRETARY OF THE
NAVY

THE
OFFICE OF THE
SECRETARY OF THE
NAVY

THE
OFFICE OF THE
SECRETARY OF THE
NAVY

THE
OFFICE OF THE
SECRETARY OF THE
NAVY

Si quis nullius neque lucri, neque gratiae, neque alius cujusquam rei praeterquam veritatis studio permotus, repudiatis opinionum quamvis speciosarum commentis atque captioso hypotheseum splendore, in literis certa experientiae via promovendis atque augendis unice elaborat, dignus profecto est, quem et aequales et posteri doctorem celebrent, ex cujus ore discipulorum cohors avidissima pendeat, cujus dicta divinorum instar effatorum veneretur, cujus scripta omnes cupidissime accipiant, diligentissime perlustrent.

Digitized by Google

4

torum Tuorum recordatione, et ingenii acutissimi veneratione, et indefessae industriae admiratione captum se ac penitus permotum sentiat? Atque haec omnia pro rei magnitudine praedicare nemo facile potest. Quid enim? enumerare instituat, quot quantarumque rerum gravissimarum atque antea incognitarum inventionem Tibi debeat historia naturalis? exponere conetur, physica et anthropologica studia quantopere et disciplina Tua et plurimis praestantissimisque scriptis emendata, amplificata, promota sint? thesaurus rerum naturalium, incredibili industria a Te congestus, cujus similem alterum nec prior aetas vidit, nec posterum facile videbunt, quantum utilitatis cuique nostrarum doctrinarum parti attulerit, quantaque cum humanitate ac comitate aliis a Te perlustrandus atque utendus concedi solitus sit? denique amorem ac studium harum literarum quantum Tua institutio in juvenum innumerabilium ex omnibus terris ad Te confluentium animis accenderit et aluerit?

Horum autem tam insignium meritorum Tuorum grata recordatio, licet nullo tempore oblietur, tamen praecipua quadam vi ac dulcedine animos nostros hodierno die permovere debet,

gaum Tibi totos quinquaginta annos doctoris munere perfuncto gratulamur, gratulanturque nobiscum quicumque in utroque terrarum orbe aut disciplina Tua usi, aut scriptis eruditi ac delectati sunt.

Nos autem, ut nostrae quoque venerationis gratulationisque aliquod monumentum exstaret, hunc ad Te libellum perscripsimus, qui Balaenae nuper in vicinia nostra captae delineationem ac descriptionem continet, cum observationibus quibusdam de incertis specierum, nonnullarum ad hoc genus pertinentium definitionibus.

Bellua autem ista, de qua agimus, mense Aprili h. a. ad occidentalem Rugiae insulae oram, prope vicum Lischow, procellarum impetu appulsa est, ac dein, remittente vento sedatisque fluctibus, in littore haesit.

Haec Balaena cetis, qui a recentioribus Balaenoptera dicuntur, adnumeranda est.

Corpus hujus belluae fuit non crassum, neque obesum, sed fere teres, ad caudam sensim gracilius, laeve; ab apice maxillae inferioris usque ad pinnam caudalem 44 pedes et 10 pollices longum. Pars corporis superior undique livid-nigricans, inferior albida. Ex apice lateribusque

maxillae inferioris usque ad umbilicum
exierunt eminentiae 1 poll. latae, planae, albae,
sulcis rugosis 1 poll. profundis distinctae. Sulci
6 in medio siti colorem incarnatam, ceteri vero
schistaceum exhibuere, sulcus intermedius, ex
apice maxillae usque ad umbilicum protractus,
omnium longissimus, ceteri autem ab utroque
maxillae latere exeuntes, breviores, ita, ut quo
quisque sulcus intermedio propior erat, tanto
esset longior remotioribus, quique extremi erant
et lateribus vicini, omnium essent brevissimi.

Caput quadrantem totius corporis aequabat.
Fistulae orificium 8 ped. et 3 poll. ab apice
maxillae superioris remotum, in medio situm, 15
poll. longum, septo 3 poll. lato divisum, duas
rimas aequales paululum curvatas in longitudinem
porrectas ostendit. Maxilla superior anteri-
orem partem versus angustata in rostrum acutum
desit, ab apice usque ad oris angulum 8 ped.
3 poll. longa, ante fistulae orificium 4 ped. 7 poll.
et in medio 3 ped. lata; superficies ejus inaequa-
lis, ita, ut in anteriore parte plana, paulo post
excavata, in medio iterum plana et in posteriore
parte lateribus valde declivibus, ante fistulae ori-
ficium in eminentiam, illud recipientem, intra-

nasuperior, quae ad frontem extendebatur. Maxilla, qua parte 1 ped. ab apice distabat, altitudinem 5½ poll., a vertice vero ad oris angulum 2 ped. 8 poll. habuit. Maxilla inferior ab apice usque ad angulum oris 9 ped. 7 poll. longa, in apice circiter 10 poll. prominentior et 6 poll. utrinque latior, quam superior, in oris angulo 1 ped. 4 poll., in apice vero 8 poll. alta. Labia maxillae inferioris et superioris clauso ore non plane coeant, sed distabant inter se intervallo oblongo, laminis corneis repleto, cujus maximae diameter 10 poll. erat, et arcus maxillae superioris a linea horizontali ab angulo oris ad apicem ducta 3 poll., arcus vero inferior ab eadem linea horizontali 3 poll. recedebat. Labia rotundata, laevia, nuda, solidissima, in superficie interna fere cornea, pallide flavescentia. Oculi parvi ab apice rostri 8 ped. 6 poll. remoti, 3 poll. ante oris angulum et 6½ poll. supra eum sitis, angulus corum interior exteriore paululum demissior. Cornea fere ovata, pupilla transverse oblonga. Palpebrae breves, aequales, tertiae nullum vestigium. Laminae oris corneae, 4 ad 6 lineas intersedistantes, in utroque latere plus quam 375 numerabantur. In utroque latere laminarum plures

ordines longitudine diversa inveniebantur, quorum externus majoribus constabat, interni mitiores continebant. Externi ordinis laminae anteriores 1 poll. longae, 2 poll. latae; inde per 5 pedum 6 pollicum spatium magnitudine paulatim aucta in 18 poll. longitudinem, 7 poll. in basi latitudinem accrescebant, dein versus fauces magnitudo vehementer decrescebat, ad ipsas fauces fibrillis setaceis similes 4 — 6 — 9 linearum evadebant; laminae in margine externo longissimae, apice in exteriorem partem arcuato, anterieus magis, et posterioris abbreviatae, ideoque forma acutangulae; omnes nigrae, exceptis dextri lateris anterioribus nonaginta albis. Laminae internae mitiores, 1 poll. longae, 2 lineas latae, glaucae. Omnes, et externae et internae ad marginem palatinum in fibrillas setaceas 7 — 12 poll. longas nigro-griseas abibant, quae depressae et confusae quasi filtrum quoddam formabant. Lingua circiter 9 ped. longa, mollis, pinguis, spongiosa, rugosa, in apice rotundata; ex media superficiei parte lobus quadratus linguaeformis 12 poll. latus et circa 2 ped. longus surgebat, cuius pars anterior 5 poll. longa, in margine rugosa et plicata apparuit, quae cum ipsa lingua non concreverat.

Corpus in regione pinnarum pectoralium crassissimum, circiter 7 ped. altum. Pinnae pectorales ab oris angulo 4 ped. 3 poll. remotae, ovato-lanceolatae, integerrimae, margine anteriore rotundatae, parum convexae, inferiore leviter sinuatae, apice attenuatae, angustatae, acutae, 5 ped. 6 poll. longae, ad fossam axillarem 12 poll. — in latitudine maxima 14½ poll. — et ubi 4 poll. ab apice remotae sunt, 4 poll. latae, superficie externa livido-nigricantes, superficie interna et apice albae. Pinnae dorsalis, a piscatoribus Lischowianis jam destructae, figura integra nos fugit; pars tamen superior adfuit, quae ad caudam incurvata in apicem acutiusculum desinebat, pinguis, livido-nigricans. Penis pars e cavo abdominis propendens 10 poll. longitudine, 10 poll. crassitie et circumferentia maxima vix 6 poll. superante. Cauda, ubi in pinnam caudalem dilatabatur, 2 ped. 2 poll. alta et 1 ped. 8 poll. lata, in parte superiore carina, a prima dorsali exiens et caudae finem versus desinens, sita; inferior caudae pars rotundata. Pinna caudalis horizontalis, lunata, postice in medio paullulum incisa et in lobos duos divisa, quorum dexter in ipsa incisura sinistro paullulum super-

incumbebat; margines loborum antici obtusi, crassi; postici attemuati, integri, parum sinuati, extrinsecus in apicem acutum recurvum confluunt. Haec pinna ab apice ad apicem 10 ped. 6 poll. lata et a margine antico ad posticum 2 ped. 9 poll. maxime longa; summa crassitudo 10 — 11 pollicum. Quod si hujus pinnae magnitudo ad numeretur reliqui corporis mensurae, totius animalis longitudo 46 ped. attingit.

Massa hujus pinnae interna e cartilagineo fibroso textu, tomentoso simili, constat, ex qua ingens glutinis copia coquendo extracta est. Hujus glutinis tabulam siccata simul cum imagine Balaenae Tibi, qua decet reverentia, offerimus.

Figurae externae totius skeleti *) habitus respondet, capite praelongo cum maxillis acuminatis, vertebrae colli compressis et pinnis pectoralibus brevibus insignis.

Caput **), a rostri apice ad ossis occipitis

*) Icones partium skeleti paucas easque minus esse, eo magis dolendum est, quo distinctius et clarius ex ossium compage, forma et proportionem specierum differentiae comprobari possunt.

**) Caput osseum in tabula VI. libri *Lacépède. histoire naturelle des cétacées à Paris*, 4. delineatum, quod auctor, assentiente Cu-

condylos; fere ad perpendicularum vergentes, 11 ped. 3 poll. habet. Maxilla superior, calvariae longitudinem triplo superans, a nostri apice ad ossis frontis marginem, cui ossa nasi adnectuntur, 9 pd. At calvaria tantum a spina ossis frontis nasi ad foramen magni ossis occipitis 2 pd. 3 pll. Maxillae superioris ossa, sic acuminantur, ut in posteriore parte ante orbitas 3 pd. 1½ pll., media in longitudine 2½ pd. in extremo apice 3 pll. lata sint. Ossa intermaxillaria longa et tenuia ab apice maxillarum, quibus interposita, 7 pll. prominent.

Cranium, ossibus valde crassis compositum, a margine orbitae superciliari ad alterum 4 pd. 8½ pll. latum. Orbitae, ut in corpore tam coloso, admodum coarctatae, osse frontis lato et osse zygomatico, spathae quasi simili, versus frontem planiori et magis curvato, formantur. Diametri earum horizontales maximi inter protuberantias os-

vies, ad Musculata. — R. R. quod L. pertinere putat, nostrae speciei imagini, quantum a delineatione manca et a latere tantum, modo visa iudicare possumus, simile est; illud contra skeleton, quod *Albers* in iconibus suis ad illustrandam anatomiam congerit, *Lipf.* 1818, Tab. I. proponi curavit, numero, vertebrarum nec non maxillis aequiparantibus ab ossium compage nostrae speciei longe differt.

suum temporum et frontis 8 poll. longitudinem obtinent, et perpendiculares inter margines superciliares et externos ossium zygomaticorum 6 poll.

Mandibulae seu maxillae inferioris rami vasti et robustissimi amenti junctura ad condylos 11 pd. longi; processus ejus coronoides, qui a condylis 2 pd, 1 pll. distant, 6 pll. alti sunt.

Columnam spinalem sexaginta una vertebrae constituunt, videlicet septem vertebrae colli, quatuordecim vertebrae dorsi, quindecim abdominales, duae sacrales, viginti tres caudales. Corpora earum, quae ad inferiores abdominales altiora et crassiora fiunt, et ab his ad caudales ultimas magis magisque decrescunt, prima et secunda vertebra exceptis, laminis osseis inter se junguntur.

Colli vertebra prima, annulum formans, brevibus processibus transversis coniformibus instructa est. Vertebra secunda processibus transversis multo latioribus et longioribus, foramine pertusis, a ceteris distincta. Processus odontoides loco eminentia circularis exigua reperitur. Vertebrarum colli quatuor sequentium corpora

plana et depressa discos fere imitantur. Processus transversi ramis longis multum distantibus efficiuntur; spinosi desunt.

Vertebrarum dorso et abdominis processus transversos nec non spinosos longae lataeque laminae, quae marginibus obtusis et rotunde abscissis terminantur, formant.

Vertebrae caudales duos processus spinosos et unum superiorem dorsalem et alterum inferiorem abdominalem habent. Superiores, ejusdem formae ac dorsales, longitudine minore; inferiores breviores ex ramis latis, qui utriusque lateris mox infra corpora in apophyfin confluunt, exoriuntur. Vertebrae decem postremae caudales, omnibus processibus destitutae: quarum ultima nuce avellana vix grandior, ossa parum angulata pene rotundata evadunt.

Costae non vasa utrimque quindecim, scilicet quatuordecim verae et una spuria carni inhaerens, quarum primae sterno crasso, trabem transversam simulanti, adfiguntur.

Pinnae pectorales artubus superiorum animalium similes reperiuntur. Scapula, cujus forma trigona fere ovata est, duos processus, coracoideo et acromiali analogos, habet. Hu-

merus valde crassus et 1 pd. 2 pll. longus. Antibrachium, radio et ulna constans, prope duplo longius. Manus ossibus carpi quinque planis et digitis quatuor componitur. Digitorum longissimorum membra sex, digiti minimi ulnaris phalanges tres, digiti radialis quatuor numerantur.

Artus inferiores desunt, ossium coxarum tantum rudimenta conspiciuntur, nimirum ex primo processu spinoso inferiori, qui corporibus vertebrae tricesimae octavae et septimae adnectitur, duae apophyses longae exortae divergentes ad anum ascendunt. Praeterea ossa carni inhaerentia et intestinum sustentantia, bifurcata, ramis fere aequalibus, quarum dexter compare sinistri lateris multo longior et latior, constituta, inveniuntur.

Si hanc descriptionem cum characteribus, qui in *O. Fabricii Fauna Groenlandica* p. 40 exstant de *Balaena minima* seu rostrata, pinna dorsali retro tendente, antice parum attenuata, pinnis pectoralibus latis ovatis, margine rotundatis, laminis oris albis, rostro strictiore distincta, comparare velis, nostram speciem ab ea non, nisi majori corporis longitudine et la-

minis oris nigris diversam reperiens. Cum vero longitudine corporis majori et colore laminarum nigro animal aetate provecius significari crederemus, Balaenam nostram rostratam *Fabricii* majorem determinare non dubitavimus.

Descriptiones et imagines cetorum, a naturae scrutatoribus tum veteribus tum recentioribus propositas admodum vagas et ad species dignoscendas minime accommodatas invenimus, ac nullam zoologiae partem obscuriorem esse persuasi sumus. Veterum descriptiones, cum piscatorum narrationibus et indiligentiore contemplatione viventis animalis casu fortuito oblatis niterentur, malas esse non miramur, et recentiorum expositiones, etiam eorum, quibus exactius et diutius contemplandi animalia occasionem fortuna praeberat, non meliores esse, cum accuratiori examini etiam maxima obstacula objicerentur, in mitiorem partem interpretari debemus.

Imprimis ob corporis ingentem molem et pondus praegrande hae belluae haud sine maxima difficultate ita in varias partes moveri possunt, ut ad staturam ex omnibus dimensionibus contemplandam necesse est; et si manuum et machinarum ope moveantur, forma facile corrumpitur. Si

praeterea ingens corporis pondus comprimit et distorquet ipsius partes ita, ut figura alienetur, graviora obstacula superanda sunt, ut corporis forma recte delineetur et describatur, quare imperfectae et mutilae effigies proferuntur, nisi, quod de partium proportione oculis objici nequit, ope mensurae compensatur.

Si ceteroquin partes putredine, quae ob massam carnis et adipis corpus mox corripit, vel a piscatoribus adipis avaris laceratae sunt, effigies congrua et descriptio accurata, quae diagnosi sufficiant, dari non potest.

Hinc accidisse videtur, ut in congenerum definitione indistinctissima nobis occurrant discrimina, et ipsi auctores, quibus unius vel alterius speciei autopsia contigerat, eas non melius determinaverint, quam ii, quibus ullam videre dnegatum fuerat. Systematici igitur praesertim in congenerum diagnosi Balaenopterorum sub ventre rugis differentium ita discrepant, ut alii horum tres species, alii tantum unam *) aetate et sexu diversam adsumant.

*) Vide G. Cuvieri commentaria in librum Pet. Camperi *observations anatomiques de plusieurs espèces de cétacées*, à Paris 1820. p. 78. et Sv. Nilsson *Skandinavisk Fauna*, Lund 1820. p. 412.

Haec confusio, certe hercle! non mira nos animo suspensos detinuit, quemnam locum systematis nostrae speciei tribuendum esse statuere-mus, donec horum Balaenopterorum exemplar nuperrime Berolini certa fide delineatum *) cum nostra specie comparare nobis occasio fieret, et collatis etiam descriptionibus, quae apud auctores fide dignissimos de speciebus affinibus exstant, non diutius dubitavimus, quin tres distincte diversae sint.

Effigies Berolini facta, quoad corporis figuram, majorem ejus circumferentiam et longiores pinnae pectorales crenatas a nostra specie longe discedit.

Berolinensis et nostra speciebus duabus a *Sibbaldo* **) descriptis conveniunt.

Prior hujus auctoris species, mense Novembri 1690 ad littora Scotica capta, quae corporis longitudine 46 ped., pinnis pectoralibus 5 ped. longis, 2½ latis, capitis rostro acuminato distinguitur, in nostram quadrat.

*) Hanc iconem a *Müllero* factam et a *Tepe* in lapide effectam *Cel. Lichtenstein* benigne nobiscum communicavit.

**) In *Balaenologia nova*. *Edinb.* 1692.

Altera apud *Sibbaldum* *) species, quae rostrum obtusum, mandibulam maxilla superiori longiorem et latiore fere semicircularem, corporis longitudinem 78 ped., circumferentiam 35 ped., pinnas pectorales 10 ped. longas habet, Berolinensem magis aequat.

Cum porro *Balaena Boops Fabricii* ab his speciebus duabus mandibula maxilla superiore brevior et strictior et ante nares in vertice capitis tribus convexitatum ordinibus conspicuis differat, tres *Balaenopterorum* species ventre sulcato affinium et quidem inter eas a Systematicis relatas, nimirum *Musculum*, rostratam *Boopem*, stabilitas esse censemus.

Haec pauca quaecumque ex scientia, quam TU PERILL. VIR per quinquaginta annos admirabili acumine et eximia industria locupletasti, examini Tuo submittent, ut Tibi non displiceant et documenta nostrae erga Te reverentiae summae et sincerissimae hoc die, quo Tuorum de re literaria meritorum memoria, quam postre-

*) Harum specierum aequa, quia *Sibbaldi* opus valde rarum non in mea est, ex *Schneideri* libræ: *Sammlung vermischter Abhandlungen zur Aufklärung der Zoologie und Handlungsgeschichte*, Berlin 1784. p. 216. desunta sunt.

mum aevum non unquam delebit, orbi celebranda, aequo animo accipere velis, vehementer optamus.

Faxit D. T. O. M. senectute longa, serena et incolumi, ac omnibus, quae in hominem cadere possunt, bonis fruaris. Vale nobisque ut saveas quaesumus.



